

ACTA DA SESION ORDINARIA DA XUNTA DE GOBERNO LOCAL CORRESPONDENTE O DIA 27 NOVEMBRO DO 2006.-

Na Casa Consistorial do Concello de Ribadavia, o día vinteseite de novembro de dous mil seis; a unha do mediodía xúntanse os señores que de seguido se sinalan para celebraren a sesión ordinaria da Xunta de Goberno Local correspondente a esta data: Alcalde-Presidente, don Marcos Blanco Jorge.- Concelleiros: Don Francisco Xabier Carreira Sebio, Dona Manuela Iglesias Collarte, Dona Luísa del Carmen Escudero Centron e Don Don José Ignacio Gómez Pérez.-

Está presente o Secretario-Interventor Don Vicente Soto Rodríguez.

Aberta a sesión polo Sr. Alcalde, pásase de seguido ó estudio dos asuntos que conforman a anunciada Orde do Día, que resultan se-los seguintes:

1.- ACTA ANTERIOR.-

A Xunta de Goberno Local, por unanimidade, aproba o borrador da Acta da sesión anterior, que foi a celebrada o pasado 20 de Novembro do dous mil seis (Ordinaria).

2.- OBRAS MAIORES.-

Non houbo.-

3.- ESCRITOS DOS SEÑORES CIADÁNS.

INFORME DA CORPORACIÓN MUNICIPAL.-

“Examinado o expediente promovido por **don Juan Carlos Blanco González.**, con domicilio na rúa San Martiño nº 46, desta vila, en virtude da instancia nº3550 de data 22 de xuño de 2005, solicitando licenza municipal para a apertura dunha confiteria-panaderia con cafetería no inmovible sito na rúa San Martiño nº 46, baixo, deste termo municipal, actividade comprendida no Regulamento de Actividades Molestas, Insalubres, Nocivas e Perigosas, aprobado polo Decreto 2.414/1961 do 30 de Novembro.- RESULTANDO: que se cumpriron tódolos trámites de información pública así coma notificacións persoais aos veciños inmediatos incorporando os informes da Delegación Provincial de Sanidade e os informes técnicos municipais.- CONSIDERANDO: que o proxecto técnico en canto a súa posible repercusión sobre a sanidade ambiental e as medidas correctoras necesarias para garantir a tranquilidade, salubridade e seguridade cidadá e a súa adecuación ao medio ambiente, suxeitarase ao informe que emita a Delegación Provincial da Consellería de Medio Ambiente.- CONSIDERANDO: que o emprazamento proposto é conforme co uso urbanístico asignado a zona.- Visto o Decreto nº 2.414/1961 do 30 de Novembro e demais disposicións concordantes de aplicación, a Xunta de Goberno Local, por unanimidade, acorda: 1º.- Informar favorablemente a concesión da licenza instada por don Juan Carlos Blanco González., para a apertura dunha confiteria-panaderia con cafetería no inmovible sito na rúa San Martiño nº 46, baixo, deste termo municipal, xa que no expediente observáronse

tódalas prescricións que establece o devandito Regulamento e disposicións complementarias.-
2º.- Dar traslado do expediente completo á Delegación Provincial da Consellería de Medio Ambiente da Xunta de Galicia, aos efectos previstos no artigo 33 do referido Regulamento en relación coa cualificación da actividade.”

ACOMETIDAS DE AUGA.-

“Visto o escrito presentado por **don José Canitrot Franch**, con domicilio na Foz nº 16, no que prega se lle autorice a correspondente acometida de auga para o devandito inmobile, a Xunta de Goberno Local, por unanimidade, acorda conceder o dereito de acometida para o uso doméstico, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo”.

4.- ESCRITOS OFICIAIS.-

A Xunta de Goberno Local, por unanimidade dos asistente, toma coñecemento dos seguintes:

“Da Dirección Xeral de Acción Social, comunicando Resolución de 16 de novembro pasado, relativa a subvención destinada a prestación de Servizos Sociais (Reforma para mellora da accesibilidade ao Centro Social de San Cristovo), por importe de 16.000 euros.”

-“ Da Deputación Provincial de Ourense, comunicando alta no servizo de teleasistencia domiciliaria”.

5.- CUESTIONS ECONOMICAS E ASUNTOS VARIOS.-

APROBACIÓN PREGO DE CLÁUSULAS ADMINISTRATIVAS PARTICULARES DO CONCURSO PARA A ADXUDICACION DA CONSULTORÍA E ASISTENCIA TÉCNICA PARA A EXECUCIÓN DO PROGRAMA AVIA CREA FUTURO DENTRO DA INICIATIVA COMUNITARIA EQUAL.

A Xunta de Goberno Local, por unanimidade dos asistentes, presta aprobación o Prego de cláusulas Administrativas Particulares que haberán de rexer para a contratación mediante concurso con procedemento aberto, en trámite de urxencia, da Consultoria e Asistencia técnica para a execución do programa Avia Crea Futuro dentro da Iniciativa Comunitaria Equal, o cál achase no expediente, e que ten as seguintes características:

CADRO DE CARACTERISTICAS DE CONTRATO:

CONVOCATORIA DE CONCURSO PARA A ADXUDICACION DA CONSULTORÍA E ASISTENCIA TÉCNICA PARA A EXECUCIÓN DO PROGRAMA AVIA CREA FUTURO DENTRO DA INICIATIVA COMUNITARIA EQUAL.

1. Presupuesto: 130.900,00 euros (I.V.E. incluído).
2. Financiamento: O Proxecto Avia Crea Futuro atópase cofinanciado polo Fondo Social Europeo nun 75% e polos Concello que integran a Agrupación Avia Crea Futuro nun 25%.
3. Prazo de execución: o prazo global de execución do contrato será dende a sinatura do contrato administrativo ata o 31 de decembro de 2007, data de terminación do proxecto.
4. Lugar de presentación de ofertas: Concello de Ribadavia.
5. Prazo de presentación de proposicións: oito días naturais a contar do día seguinte ó de publicación do anuncio no BOP, en horas de nove a catorce horas.
6. Garantía provisional: Non se esixe.
7. Garantía definitiva: 4% do prezo de adxudicación.
8. Revisión de prezos: non procede
9. Apertura de plicas: As 12 horas do segundo día hábil seguinte (agás os sábados) a aquel no que termine o prazo de presentación de ofertas.
10. Outros datos:
Información teléfono: Concello de Ribadavia, Praza Maior nº 4. Tfno. 988477100. Fax 988477101.

Lugar onde se poden obter copias do prego: Concello de Ribadavia.

XERACIÓN DE CRÉDITOS Nº4/06.

“A Xunta de Goberno Local, por unanimidade, aproba o expediente de xeración de créditos nº 4 /06, por importe de 189.170 euros con cargo a compromisos firmes doutras Administracións Públicas para financiar gastos que pola natureza son competencia desta Administración Municipal”.

6.- ROGOS E PREGUNTAS QUE SE FORMULEN REGULAMENTARIAMENTE.-

Non houbo.-

E sendo as dúas do mediodía, o Sr. Alcalde, ergueu a sesión, estendéndose a presente, do cal, coma Secretario, certifico.